



## Te rāhui pēkehoko kirihiou tukutahi

### He pātai māu ki tō kaiwhakarato pēke

Kei raro nei ētahi pātai hei tuku mā ngā pakihī ki ngā kaiwhakarato pēke i a rātou e kōwhiri ana i ngā whakakapi mō te pēkehoko kirihiou tukutahi.

#### I pēhea te ara waihanga i ngā pēke nei?

- He aha ngā rawa i pau ki te hanganga o ngā pēke?

#### Ka hangaia ngā pēke i hea?

- Ka mahia i Aotearoa nei?

Ki te poto ake te haere a te pēke mai i te kaihanga ki te kiritaki, tērā pea ka iti ake anō hoki te tukunga o te haurehu katī mahana.

- Mēnā nō tāwāhi – e hia te tawhiti e tae mai ai ki a koe?
- Ko wai kei te hanga i ngā pēke? I hangaia i runga i te matatika?

#### He mea hanga ngā pēke ki te aha?

- Kotahi te rawa waihanga, he ranunga rawa rānei?

Ko te pēke ka mahia ki te ranunga rawa, ko ōna anō wāhanga rānei i mahia ki te ranunga, tērā tonu ka uua ake te whakanao i tōna urupātanga, ā, me rahi ake hoki ngā rawa hei waihanga.

#### Ko ngā waingārahu me ngā waitae (mēnā i whakamahia ētahi), e pai ana mō te taiao?

Kimihia ngā waingārahu me ngā waitae kāore he hinumata i roto.

# Mēnā i mahia ki te pepa, he pepa i whakakōmāhia, karekau rānei?

He iti ake ngā matū kino hei hanga i te pepa kāore i whakakōmāhia, tēnā i te pepa i whakakōmāhia. He pai ake hoki te pepa kāore i whakakōmāhia mō roto i ngā mahi whakawairākau me ngā mahi hangarua.

## Ka pai anō te pēke hei pēke tukurau?

- E hia ngā whakamahinga, ka pai tonu te pēke?
- Kua whakamātau anō te kaihanga i te roa e pai tonu ana te mahi a te pēke?

## Ka taea ngā pēke te hangarua i Aotearoa nei?

- Ki hea hangaruatia ai?
- Ki te kore – me aha e te kiritaki te pēke ina hē te mahi a te pēke, kua kore e taea te tukurua anō?

## He matū hangarua kei te pēke?

- Mēnā āe, pēhea nei te rahi, ā, i ahu mai i hea?

## E hia mitamiriona te mātotoru o te pēke?

- E 70 mitamiriona, nui ake rānei? He tohutaunaki tā te kaiwhakarato hei whakatūturu i te mātotoru ā-mitamiriona o te/ngā pēke?

## E hia te taumaha me te rōrahi o te pēke?

- E hia te taumaha ka taea e te pēke te kawe haere, kāore e raru?
- He pēhea te rahi o te pēke?

## Ka pupuri anō te pēke i ngā māturunga wai?

He mea whakaputa i te Haratua 2019 e  
Te Manatū mō te Taiao  
Tau whakaputa: INFO 884A



New Zealand Government



*Making Aotearoa New Zealand  
the most liveable place in the world*  
Aotearoa – he whenua mana kura mō te tangata